

ხელშეკრულება № 54
სახელმწიფო შესყიდვის შესახებ
(ელექტრონული ტენდერი აუქციონის გარეშე)

ქ. თბილისი

„13“ „*აპრილი*“ 2017წ.

საქართველოს სპორტისა და ახალგაზრდობის საქმეთა სამინისტრო (მის. ქ. თბილისი, ილ. ჭავჭავაძის გამზირი №49, ტელ.: 2-235-149, საბანკო რეკვიზიტები: ანგ. №GE24NB0330100200165022 სახელმწიფო ხაზინა, კოდი-TRESGE22, სკ-204861916) შემდგომში წოდებული „შემსყიდველად“, წარმოდგენილი მინისტრის მოადგილის შალვა გოგოლაძის სახით და ააიპ „სტუდენტური ერთიანობა“ (მის. ქ. თბილისი, შ. ნუცუბიძის ფერდობი, IIIმ/რ, IIIკვ, კორ. 7, ბ. 3, ტელ. 574-114-444, საბანკო რეკვიზიტები: ანგ. № GE07BG0000000718239900, სს „საქართველოს ბანკი“, ბანკის კოდი BAGAGE22, სკ-405040879) შემდგომში წოდებული „მიმწოდებლად“, წარმოდგენილი თავმჯდომარის ბექა ღაჭონიას სახით, ორივე ერთად წოდებული როგორც „მხარეები“, ვმოქმედებთ, რა „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას.

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს მომსახურებას ამ ხელშეკრულების ფარგლებში.

1.6 „მომსახურება“-წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

1.7 „ტექნიკური დოკუმენტაცია“ – მიმწოდებლის მიერ NAT170002518 ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2. ხელშეკრულების საგანი

„ახალგაზრდული პოლიტიკის განვითარების პროგრამის“ ქვეპროგრამა „მოწყვლადი ჯგუფებისა და ეთნიკური უმცირესობების ხელშეწყობის პროგრამის“ ფარგლებში ღონისძიების მოწყობის მომსახურება დანართი №1-ის შესაბამისად (CPV-79952000)

3. ხელშეკრულების ღირებულება

3.1 ხელშეკრულების ღირებულება: 15 000 (თხუთმეტიათასი) ლარი.

3.2 ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

(Handwritten signatures and stamps at the bottom of the document)

4. მხარეთა ვალდებულებები

4.1 მიმწოდებელი ვალდებულია:

- ა) უზრუნველყოს წინამდებარე ხელშეკრულების მე-2 მუხლით და დანართი №1-ით გათვალისწინებული მომსახურების გაწევა ხელშეკრულების გაფორმებიდან 4 თვის განმავლობაში, 2017 წლის 20 დეკემბრის ჩათვლით შემსყიდველის მოთხოვნის შესაბამისად.
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) უზრუნველყოს ხელშეკრულების შესრულების კონტროლი;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი

5.1 მომსახურების ხარისხი უნდა შეესაბამებოდეს დადგენილ სტანდარტებს.

6. ხელშეკრულების შესრულების კონტროლი

6.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც შესყიდვის ობიექტის მიწოდების დროს, ისე ამ ხელშეკრულების მოქმედების პერიოდში.

6.2 ინსპექტირებას განახორციელებს საქართველოს სპორტისა და ახალგაზრდობის საქმეთა სამინისტროს ახალგაზრდული პოლიტიკის მართვის დეპარტამენტის ახალგაზრდული პროგრამების სამმართველოს მთავარი სპეციალისტი ნატალია ჩარგეიშვილი.

6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული შესყიდვის ობიექტი მიმწოდებელი ვალდებულია წერილობითი შეტყობინებიდან 10 (ათი) დღეში გამოასწოროს წუნი ან თუ წუნის გამოსწორება შეუძლებელია და შემსყიდველს უკვე გადახდილი აქვს შესყიდვის ობიექტის ღირებულება დაუბრუნოს შემსყიდველს აღნიშნული შესყიდვის ობიექტის ღირებულება.

6.4 თუ ამ მუხლის 6.3 პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

7. შესყიდვის ობიექტის მიღება-ჩაბარების წესი

7.1 შესყიდვის ობიექტის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის დადებითი დასკვნის საფუძველზე.

7.2 იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.


7.3 შესყიდვის ობიექტის მიღებას აწარმოებს: საქართველოს სპორტისა და ახალგაზრდობის საქმეთა სამინისტროს ახალგაზრდული პოლიტიკის მართვის დეპარტამენტის უფროსის მოადგილე მიხეილ ამაშუკელი.

8. ანგარიშსწორება

8.1 ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა – ლარი;
- ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2 შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის გაფორმებიდან და (დ.დ.გ-გადამხდელის შემთხვევაში) საგადასახადო ანგარიშ-ფაქტურის წარმოდგენიდან ან (დ.დ.გ-ს არ გადამხდელის შემთხვევაში) სასაქონლო ზედნადების წარმოდგენიდან 10 (ათი) დღის განმავლობაში. თუ კი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.



9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშეშმელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1 წინამდებარე ხელშეკრულების 4.1 პუნქტის „ა“ ქვეპუნქტით და დანართი №1-ით გათვალისწინებული მომსახურების გაწევის ვადების გადაცილების შემთხვევაში ან 6.3 პუნქტით განსაზღვრული პირობების დარღვევის შემთხვევაში, მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე შეუსრულებელი ვალდებულების ღირებულების 0.07%-ის ოდენობით.

10.2 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

13. ხელშეკრულების შეწყვეტა

13.1 შემსყიდველი უფლებამოსილია ხელშეკრულების ნებისმიერ ეტაპზე მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში, რის შესახებაც შემსყიდველი წერილობით აცნობებს მიმწოდებელს.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს 2018 წლის 31 იანვრის ჩათვლით.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი შემსყიდველს.


17. მხარეთა რეკვიზიტები:

შემსყიდველი

საქართველოს სპორტისა და
ახალგაზრდობის საქმეთა სამინისტრო,
მის: ქ. თბილისი, ჭავჭავაძის გამზირი №49ა;
ტელ: 2-235-149;
საბანკო რეკვიზიტები:
ანგ. № GE24NB0330100200165022;
სახელმწიფო ხაზინა, კოდი TRESGE22;
სკ-204861916

მიმწოდებელი

ააიპ „სტუდენტური ერთიანობა“
მის: ქ. თბილისი, შ. ნუცუბიძის ფერდობი, IIIმ/რ,
III კვ, კორ. 7, ბ. 3,
ტელ: 574-114-444,
საბანკო რეკვიზიტები :
ა/ა № GE07BG0000000718239900,
სს „საქართველოს ბანკი“, ბანკის კოდი BAGAGE22,
სკ-405040879



#	ტექნიკური დახასიათება	ღირებულება
1	მიმწოდებელმა უნდა უზრუნველყოს: • 4 თვის განმავლობაში არანაკლებ 10 000 ცალი წიგნის შეგროვება-დასაწყობება, დახარისხება ჟანრების მიხედვით და რეგიონებში ჩატანის უზრუნველყოფა. • შემსყიდველის მოთხოვნის შესაბამისად თვეში თვეში ერთხელ ქვემო-ქართლის, კახეთის, შიდა ქართლის, მცხეთა-მთიანეთის რეგიონებში არანაკლებ 2500 ცალი წიგნის ტრანსპორტირების უზრუნველყოფა; • წიგნების შესაგროვებლად საჭირო შესაბამისი არანაკლებ 10 ბრენდირებული (სამინისტროს დასახელება და ლოგო) ურნის განთავსება თბილისის მასშტაბით საზოგადოებრივი თავშეყრის ადგილებში, რათა მაქსიმალურად იქნეს უზრუნველყოფილი მოქალაქეთა პროექტში თანამონაწილეობა, ურნის დიზაინი შემსყიდველთან შეთანხმებით. • შემდეგი ჟანრის წიგნების მიწოდება: საბავშვო, მხატვრული, მეცნიერული, ისტორიული, ბიოგრაფიული, სამეცნიერო, თანამედროვე ენაზე ნათარგმნი ლიტერატურა. შენიშვნა: • მისაწოდებელი წიგნი არ უნდა იყოს დახეული და გამოსაყენებლად უვარგისი; • შეგროვებული წიგნების ტრანსპორტირების უზრუნველყოფა უნდა განხორციელდეს ყოველთვიურად ზემოთაღნიშნულ თითო-თითო რეგიონში შემსყიდველთან შეთანხმებით; • რეგიონებში ტრანსპორტირებისას ჟანრის მიხედვით დახარისხებული წიგნები უნდა იყოს ჩალაგებული ბრენდირებულ (სამინისტროს დასახელება და ლოგო) ყუთებში. • შეგროვებულ წიგნები უნდა მოიცავდეს ზემოთ მითითებულ ყველა ჟანრს და მაქსიმალურად დაცული უნდა იყოს ჟანრობრივი თანაფარდობა.	15000
	ჯამი	15000

შემსყიდველი

მიმწოდებელი

საქართველოს სპორტისა და
ახალგაზრდობის საქმეთა სამინისტრო,
მის: ქ. თბილისი, ჭავჭავაძის გამზირი №49ა;
ტელ: 2-235-149;
საბანკო რეკვიზიტები:
ანგ. № GE24NB0330100200165022;
სახელმწიფო ხაზინის კოდი TRESGE22;
სკ-204861916

ააიპ „სტუდენტური ერთიანობა“
მის: ქ. თბილისი, შ. ნუცუბიძის ფერდობი, III მ/რ,
III კვ, კორ. 7, ბ. 3,
ტელ: 574-114-444,
საბანკო რეკვიზიტები :
ა/ა № GE07BC00000000718239900,
სს „საქართველოს ბანკი“ ბანკის კოდი BAGAGE22,
სკ-405040879

